

黄庭内景玉经注 五行章第二十五

<p>五行章第二十五神仙刘长生解 五行相推反归一，金闾离官，玉封坎户，神明霞彩，自然开悟。三五气合九九节，三神抱道，五彩飞光，大和明内，体变重阳。可用隐地迴八卫，内隐泥丸，蛻形显质。八仙会上，各有艺术。伏牛幽阙罗品列。牛驾云车，圣归金阙，天乐齐迎，群仙总列。三明出华生死际，三光朗照，菡萏清香，自然目视，真景非常。洞房灵象斗日月，内锁颠猿，法尘泯绝，妙达虚无，象擎日月。父曰泥丸母雌一，金翁抱真，黄婆守道，行满功圆，仙归蓬岛。三光焕照入子室。天光照耀，仙宫深密，神尊，盗贼怎敌。能存玄真万事毕，至明大象，妙达玄真，孰知壶内，别有乾坤。一身精神不可失。清志抱一，性命无失，进出神光，香津如蜜。</p><p></p><p>下载本文pdf文件</p>